



Sakspapir

Sakshandsamar	Arkiv	ArkivsakID
Gjermund Hagesæter		20/290

Saksnr	Utval	Type	Dato
108/20	Formannskapet	PS	24.11.2020
105/20	Kommunestyret	PS	10.12.2020

Kjøp av legepraksis

Vedlegg:

Avtale for overdraging av praksis

KjøpavPraksisEksempler

Saksutgreiing:

Oppsummering: Rådmannen ber kommunestyret ta stilling til avtale om kjøp av privat legepraksis for å kome vidare med utforming av ny legeteneste på Fedje.

Bakgrunn

I kommunestyresak 053/20 vart følgjande vedtatt:

«1. Fedje kommune har følgjande mål for legetenesta på Fedje:

a. Alle kommunen sine innbyggjarar skal ha tilgang på gode allmennlegetenester, tilpassa sitt behov.
b. Kommunen skal ha ei berekraftig legevakt, som ivaretek god kvalitet, forsvarleg arbeidsbelastning og hensiktsmessig organisering.

c. Kommunen må ha gode rutinar for samarbeid med legetenesta og kontinuerleg forbetringsarbeid innan helsetenestene med kvalitetsarbeid og internkontrollarbeid. d. Kommunen skal legge til grunn primærhelsetenestemeldinga og sjå på helsetenestene som heilskap slik at legetenesta vert ein integrert del av helsetenesta på Fedje. e. Uavhengig av val av organisering av ny legeteneste skal den evaluerast innan to år etter oppstart.

2. Fedje kommune arbeider med å få på plass ny legeteneste ut frå følgjande alternativ i prioritert rekkefølge:

A. Kommunale legar og kommunal legevakt.

B. Kommunale legar og kommunal legevakt i samarbeid med Nordhordland legevakt.

C. Kommunale legar og kommunal legevakt i samarbeid med Austrheim kommune.

D. Kommunale legar og legevakt i samarbeid med Austrheim kommune.

E. Kommunal legesamarbeid med Austrheim kommune og Nordhordland legevakt.

F. Kommunal lege og Nordhordland legevakt, utan legevakt på Fedje

3. Rådmannen vert beden om å starte prosessen for å få på plass ny legeteneste i tråd med vedtekne prioriteringar. Før tilsetting vert gjort vert saka lagt fram for formannskapet og kommunestyret for Fedje kommune endeleg vedtak.»

Vedtaket var samrøystes.

Dette betyr at me skal arbeide for å få på plass kommunale legar og kommunal legevakt. For å få dette til vil det vere ein fordel om Fedje kommune kjøper praksisen til fastlege Ernst Horgen.



Fedje kommune

ASA 4310 Rammeavtale om allmennlegepraksis i fastlegeordningen i kommunene punkt 5.6 og 5.6a regulerer overdraging av avtaleheimel for legepraksis. Rammeavtalen inneber at om ein lege skal avslutte sin privatpraksis, skal han/ho gå i forhandlingar med påtroppande lege om økonomisk kompensasjon for *relevant utstyr og inventar, husleieavtaler og kompensasjon for opparbeidd praksis*. Det er dette ein kallar kjøp av praksis. Når ein kommune ønskjer å legge ned ein avtaleheimel, t.d. for å kunne tilsetje ein lege i fast stilling i staden for, er det vanleg praksis at kommunen forhandlar med avtroppande lege om ein slik økonomisk kompensasjon. Her er det aktuelt med kompensasjon for relevant utstyr/inventar og opparbeidd praksis.

Undersøkingar viser at spesielt unge legar er opptekne av trygge økonomiske rammer, sosiale rettar, ei meir regulert arbeidstid og eit godt fagleg miljø. Nyetablerte legar ønskjer ikkje å måtte kjøpe seg inn i ein legepraksis og å ha eit usikkert inntektsgrunnlag i ei oppstartsfase. Tilbod om fast lønn og eit strukturert utdanningsprogram kan være eit godt rekrutteringstiltak.

Det er vanskar knytt til rekruttering av fastlege i kommune-Noreg. KS viser til at av legestudentar i dag er 60/70 % av dei kvinner, og kvinner vil framover utgjera ein stadig større del. Det er ein relativ låg del av desse som søker seg til allmennlegestillingar i distrikta. På toppleiar møte i Vestland den 16. januar i 2020 presenterte Petter Øgård kva for driftsform som vert føretrukke av medisinstudentar og LIS-1 legar, dersom dei skal jobbe som fastlegar. I sin presentasjon viste han til at det var ulike interesser blant yngre legar/legestudentar og erfarne legar på kva driftsform som ein ville føretrække. Det kan leggjast til grunn at eldre og yngre fastlegar har til dels motstridande interesser. Det er difor krevjande verkemiddel som gir ein riktig balanse mellom dei ulike behov. Unge legar er opptekne av trygge økonomiske rammer, sosiale rettar, ei meir regulert arbeidstid og eit godt fagleg miljø. Tilbod om fast lønn og eit strukturert utdanningsprogram kan være eit godt rekrutteringstiltak.

Fedje kommune har innhenta opplysningar frå omliggande kommunar på kva slags driftsform dei har for sine legetenester. Det har vorte innhenta informasjon om driftsform gjennom samtalar med Modalen, Masfjorden, Gulen og Austrheim. Samtlege av dei andre kommunane i regionen har fast tilsette legar i kommunen, med ein som innehar kombinert stilling som fastlege og kommuneoverlege.

Ein kan på bakgrunn av dette leggja til grunn at dersom Fedje kommune kjøper den noverande private legepraksisen til Ernst Horgen, vil dette betra sjansane for å få kvalifiserte legar til å søkja seg til Fedje. Dette gjeld spesielt unge legar.

På bakgrunn av dette har rådmannen tatt initiativ til å få kjøpt praksisen til Ernst Horgen. Desse forhandlingane har tatt lang tid hovudsakleg fordi det har stor vore usemje om kva som er riktig pris for denne praksisen. Fedje kommune har også vore i kontakt med andre kommunar både i eige fylke og andre stader i landet for å finne ut kva som er rett pris. Tilbakemeldingane her syner at det er til dels stor variasjon på prisen som er blitt betalt for overdragelse av legepraksis. Jfr vedlegg.

Det er i denne saka også vedlagt utkast til avtale for kjøp av praksisen til fastlege Ernst Horgen. Utkastet er ikkje ferdig forhandla og vil derfor bli endra på fleire punkt før avtale eventuelt vert inngått.

Vurdering

Det er nyttig å kunne samanlikna kva pris som er betalt for legepraksis i ulike kommunar i Noreg. Når alt kjem til alt er dette likevel eit spørsmål om kva kjøpar og seljar vert einige om. Utgangspunktet her er at Fedje kommune treng denne praksisen for å kunne få ei best mogeleg søkjarmasse for å



Fedje kommune

kunne velja ut dei beste kandidatane for å utvikla framtidens legeteneste i Fedje kommune. Fastlege Ernst Horgen har på si side ein praksis som han ønskjer å bli kvitt der det er vanskeleg å sjå andre kjøparar enn Fedje kommune.

Dette har vore utgangspunktet for forhandlingane mellom Fedje kommune og fastlege Ernst Horgen.

Kjøp av legepraksis er ikkje noko ein gjer kvar dag. Derfor har ein brukt tid på dette og ein er framleis ikkje heilt i mål.

Det er nødvendig å bruke meir tid på å avklare korleis IKT ved legepraksisen skal driftast. Her vil truleg det beste for Fedje kommune vere at dette for framtida vert lagt til IKT Nordhordland.

Kva arbeidsgjevaransvar og kostnader som Fedje kommune tar på seg og kor tid må også avklarast før avtale vert inngått.

Det er også viktig å ta med i reknestykket at Fedje kommune i dag betaler ca kr 700 000,- pr år i basistilskot til fastlegen. Dersom kommunen kjøper legepraksisen vil denne betalinga gå ut. I tillegg til dette vil eigar av legepraksis også få eigenandelar frå brukarar og refusjonar frå staten avhengig av kor mange konsultasjonar ein har.

Kva ein treng å bevarast av arkiv er også noko som ein har brukt tid på og som ein no har betre oversikt over.

Det har også vore krevande for administrasjonen å vurdere kva av utstyr/inventar som er relevant til vidare bruk, og kva ei kommunal legeteneste evt. må gjere av nyinvesteringar. Derfor er det nødvendig å bruke litt meir tid også her.

Når det gjeld kjøpesummen har ein etter fleire veker og mange møter har ein kome fram til at kr 500 000,- til kr 550 000,- kan vere rett sum. Rådmannen meiner dette er i meste laget for denne praksisen, medan fastlege Ernst Horgen meiner dette er i minste laget. Prisen inkluderer kompensasjon for opparbeidd praksis, samt overtaking av utstyr/inventar.

Sidan dette er eit spørsmål om tilbod og etterspørsel er det ikkje noko fasitsvar på kva som er rett pris her. Rådmannen rår til at Fedje kommune tilbyr Ernst Horgen *inntil* kr 520 000,- for praksis inkludert inventar og utstyr.

Om Horgen og kommunen ikkje vert samde om ein slik avtale, fins det ingen standardprosedyre for å kome vidare. Avtaleheimelen lysast ut med minst 3 vekers frist (ASA 4310 5.4). Om ein ikkje får søkjarar etter ein eller to utlysingar, kan ein gå i nye forhandlingar med innehavar av avtaleheimel om kompensasjonsbeløp. Kommunen kan på eit tidspunkt bestemme seg for å lyse ut fast legestilling uavhengig av ein har vorte samde i ei forhandling, men risikerer då å verte saksøkt av noverande innehavar av avtaleheimelen, med påfølgjande domstolsbehandling. Når partane er to legar, fins det ei voldgiftsnemnd som avgjer pris. Ei slik nemnd finst ikkje når ein av partane er kommunen. (Informasjon henta inn frå KS medlemsservice 04.11.20 v/ Hege Torvbråthen).

Folkehelse: Moglegheit til å rekuttere gode legar er viktig for folkehelsa.

Miljø: Ikkje aktuelt.



Fedje kommune

Økonomi: Dette er ei investering som må først på investeringsbudsjettet 2021.

Konklusjon

Rådmannen rår til at Fedje kommune tilbyr Ernst Horgen *inntil* kr 520 000,- for legepraksis inkludert inventar og utstyr.

Forslag til vedtak:

Fedje kommune tilbyr fastlege Ernst Horgen *inntil* kr 520 000,- for legepraksis som kompensasjon for opparbeiding av praksis, samt inventar og utstyr i nærare spesifisert avtale.

Kjøpesummen vert finansiert over investeringsbudsjettet 2021.

Fedje kommune legg til grunn at dei driftsutgiftene dette medfører vert dekket innanfor rammene i kommunebudsjettet 2021.

Formannskapet - 108/20

F - behandling:

F - vedtak:

Fedje kommune tilbyr fastlege Ernst Horgen *inntil* kr 520 000,- for legepraksis som kompensasjon for opparbeiding av praksis, samt inventar og utstyr i nærare spesifisert avtale.

Kjøpesummen vert finansiert over investeringsbudsjettet 2021.

Fedje kommune legg til grunn at dei driftsutgiftene dette medfører vert dekket innanfor rammene i kommunebudsjettet 2021.

Vedteke med 4 mot 1 røyst. Kamilla K.Karlsen (Ap) røysta mot framlegget.

Kommunestyret - 105/20

K - behandling:

Finansiering kjøp av legepraksis, foreslått av Silje Sulen Gullaksen, Høgre
Kjøp av legepraksis med inntil kroner 520 000 vil me dekket inn ved bruk av fond.

Finansiering kjøp av legepraksis, foreslått av Silje Sulen Gullaksen, Høgre
Fullmakt til kjøp av legepraksis med inntil kroner 520 000 vil me dekket inn ved bruk av fond



Fedje kommune

K - vedtak:

Rådmannen får fullmakt til kjøp av legepraksis med inntil kroner 520 000. vil me dekke inn ved bruk av fond kr 520 000,- for legepraksis som kompensasjon for opparbeiding av praksis, samt inventar og utstyr i nærare spesifisert avtale.

Kjøpesummen vert finansiert frå fond.

Fedje kommune legg til grunn at dei driftsutgiftene dette medfører vert dekket innanfor rammene i kommunebudsjettet 2021.

Vedteke med 12 mot 3 røyster, Thea Blomvågnes Koppen Ap, Gidske Borge Kolltveit Ap og Kamilla B Karlsen Ap røysta i mot.